



Par une amie, par un amì...

O sarai la vòs che us difindarà cuintri ducj chei che us malignin par daûr...

mi sintarês butâ fûr di bocje peraulatis e ofesis che voaltris, o par educazion o par status, nancje o vês mai cognossudis...

o sarai la man, no di fighete e nancje cuissà cetant curade (nuie smalt e nuie zonte di plastiche di alte mode), ma une man fuerte e un tic ruspiose che e cjareçarà la vuestre intal moment che il fondon us samearà une vore profond...

o vaiarài lis lagrimis che voaltris no rivais a sgorgolâ fûr dai vuestris voi parcè che cualchidun us à dît che “no si pôr bon a fâsi viodi a vaî”

o sarai une bestie salvadie che e difindarà il valôr de amicizie cun dutis lis sôs fuarcis, forsit parcè che no ai podût vêle e gjoldile inte etât dulà che je mi varès insiorade di sentiments e valôrs.

vemi a chi, o sarai simpri dongje di ognidune e di ognidun di voaltris... parcè che de bande vuestre o 'nd ai cetant ricevût e voaltris o sês il gno tesaur, scrin prezios de me anime...

Par une amie, par un amì...

di Barbara Battel